

დეფიციტი და ვალი როგორც ეკონომიკური სტაბილურობის გამოწვევა

ირინე მამალაძე
სტუ-ს პროფესორი

ქეთევან კაკაურიძე
სტუ-ს დოქტორანტი

რეზიუმე

სტატიაში განხილულია სახელმწიფო ბიუჯეტის დეფიციტისა და სახელმწიფო ვალის გავლენა ეკონომიკურ სტაბილურობაზე, როგორც მაკროეკონომიკური პოლიტიკის ერთ-ერთი მნიშვნელოვანი და მრავალმხრივი გამოწვევა. გაანალიზებულია დეფიციტისა და ვალის ურთიერთკავშირი, მათი დინამიკა და გავლენა ფისკალურ მდგრადობაზე, როგორც თეორიული, ასევე პრაქტიკული ასპექტების გათვალისწინებით. სტატიაში დასაბუთებულია, რომ ბიუჯეტის დეფიციტი, მიუხედავად მისი პოტენციური როლისა ეკონომიკური აქტივობის სტიმულირებაში, გრძელვადიან პერსპექტივაში წარმოადგენს სახელმწიფო ვალის ზრდის ძირითად წყაროს. ხაზგასმულია, რომ დეფიციტური ფისკალური პოლიტიკის ხანგრძლივი გამოყენება ზრდის საბიუჯეტო რისკებს, ამცირებს ფინანსურ მოქნილობას და ზღუდავს სახელმწიფოს შესაძლებლობას ეფექტიანად გადაანაწილოს რესურსები პრიორიტეტულ მიმართულებებზე.

საქართველოს მაგალითზე ჩატარებული ანალიზი ცხადყოფს, რომ 2020 წელს პანდემიური კრიზისის შედეგად დეფიციტისა და ვალის მკვეთრმა ზრდამ მნიშვნელოვანი ზეწოლა მოახდინა ფისკალურ მაჩვენებლებზე, ხოლო შემდგომ წლებში დაფიქსირებული შემცირება მიუთითებს ფისკალური კონსოლიდაციის პროცესზე. ამასთანავე, გამოვლენილია ვალის სტრუქტურული თავისებურებები, კერძოდ საგარეო ვალის მაღალი წილი, რაც ზრდის სავალუტო რისკებს და ეკონომიკის მოწყვლადობას გარე შოკების მიმართ.

სტატიაში ასევე განხილულია ვალის მომსახურების ხარჯების ზრდის გავლენა სახელმწიფო ბიუჯეტზე და მისი შეზღუდვები ისეთი სტრატეგიული სფეროების დაფინანსებაზე, როგორიცაა განათლება, ჯანდაცვა და ინფრასტრუქტურა. განსაკუთრებული ყურადღება ეთმობა იმ გარემოებას, რომ დეფიციტისა და ვალის ეფექტი მნიშვნელოვნად არის დამოკიდებული მათი გამოყენების მიზნობრიობასა და მართვის ხარისხზე.

საკვანძო სიტყვები: ბიუჯეტის დეფიციტი, სახელმწიფო ვალი, ფისკალური მდგრადობა, ეკონომიკური სტაბილურობა, საშინაო და საგარეო ვალი.

DEFICIT AND DEBT AS A CHALLENGE TO ECONOMIC STABILITY

Irine Mamaladze
Professor of GTU
Ketevan Kakauridze
PhD student of GTU

RESUME

The article discusses the impact of the state budget deficit and state debt on economic stability as one of the important and multifaceted challenges of macroeconomic policy. The relationship between deficit and debt, their dynamics and impact on fiscal sustainability are analyzed, taking into account both theoretical and practical aspects. The article argues that the budget deficit, despite its potential role in stimulating economic activity, is the main source of public debt growth in the long term. It is emphasized that the prolonged use of deficit fiscal policy increases budget risks, reduces financial flexibility and limits the state's ability to effectively allocate resources to priority areas.

The analysis conducted on the example of Georgia shows that the sharp increase in deficit and debt in 2020 as a result of the pandemic crisis put significant pressure on fiscal indicators, while the decrease observed in subsequent years indicates a process of fiscal consolidation. In addition, structural features of debt are identified, in particular, a high share of external debt, which increases currency risks and the vulnerability of the economy to external shocks.

The article also discusses the impact of increasing debt service costs on the state budget and its limitations on financing strategic areas such as education, healthcare and infrastructure. Particular attention is paid to the fact that the effect of deficit and debt significantly depends on the purposefulness of their use and the quality of management.

Keywords: budget deficit, state debt, fiscal sustainability, economic stability, domestic and external debt.

თანამედროვე ეკონომიკაში სახელმწიფო ბიუჯეტის დეფიციტი და სახელმწიფო ვალი წარმოადგენს ერთ-ერთ მნიშვნელოვან ფაქტორს, რომელიც პირდაპირ ზემოქმედებს ქვეყნის მაკროეკონომიკურ სტაბილურობაზე. მიუხედავად იმისა, რომ გარკვეულ პირობებში დეფიციტი შეიძლება იყოს ეკონომიკური ზრდის სტიმულირების ინსტრუმენტი, მისი არარაციონალური გამოყენება და ვალის გადაჭარბებული დაგროვება სერიოზულ საფრთხეს უქმნის ფისკალურ მდგრადობას. ბიუჯეტის დეფიციტი წარმოიქმნება მაშინ, როდესაც სახელმწიფო ხარჯები აღემატება შემოსავლებს. ეს ვითარება ხშირად გამოწვეულია ეკონომიკური კრიზისით, სოციალური ვალდებულებების ზრდით ან ინფრასტრუქტურულ პროექტებზე გაზრდილი დანახარჯებით. მოკლევადიან პერიოდში დეფიციტური პოლიტიკა შეიძლება ხელს უწყობდეს ეკონომიკური აქტივობის ზრდას, განსაკუთრებით მაშინ, როდესაც ქვეყანა რეცესიაში იმყოფება, თუმცა, ხანგრძლივ პერსპექტივაში დეფიციტის მუდმივი შენარჩუნება იწვევს სახელმწიფო ვალის ზრდას.


სახელმწიფო ვალი წარმოადგენს წარსული დეფიციტების აკუმულირებულ შედეგს. მისი ზრდა ავტომატურად ზრდის საბიუჯეტო ხარჯებს ვალის მომსახურებაზე (პროცენტების გადახდაზე), რაც ამცირებს რესურსებს ისეთი პრიორიტეტული მიმართულებებისთვის, როგორიცაა განათლება, ჯანდაცვა და ინფრასტრუქტურა. გარდა ამისა, მაღალი ვალის დონე ამცირებს ინვესტიორების ნდობას და ზრდის ქვეყნის საკრედიტო რისკს, რაც საბოლოოდ აისახება ეკონომიკურ ზრდაზე. დეფი-

ციტისა და ვალის ერთ-ერთი მთავარი გამოწვევა არის ფისკალური მდგრადობის შენარჩუნება. თუ ეკონომიკური ზრდის ტემპი ჩამორჩება ვალის ზრდის ტემპს, ქვეყანა შეიძლება აღმოჩნდეს „ვალის მახეში“, სადაც ახალი ვალი გამოიყენება ძველი ვალის დასაფარად. ეს მდგომარეობა განსაკუთრებით საშიშია განვითარებადი ეკონომიკებისთვის, სადაც ფინანსური ბაზრები ნაკლებად სტაბილურია.

ამასთანავე, დეფიციტი და ვალი მნიშვნელოვან გავლენას ახდენს ინფლაციაზე და მონეტარულ პოლიტიკაზე. თუ დეფიციტი ფინანსდება ფულის ემისიის გზით, ეს ზრდის ინფლაციურ ზეწოლას. ხოლო ვალის მაღალი დონე ზღუდავს ცენტრალური ბანკის შესაძლებლობას დამოუკიდებლად აწარმოოს ეფექტიანი მონეტარული პოლიტიკა. მიუხედავად აღნიშნული რისკებისა, დეფიციტი და ვალი ყოველთვის არ არის ნეგატიური მოვლენა. მათი ეფექტი დამოკიდებულია გამოყენების მიზნობრიობასა და მართვის ხარისხზე. თუ ნასესხები რესურსები მიმართულია პროდუქტიული ინვესტიციებისკენ, რომლებიც ზრდის ეკონომიკურ პოტენციალს, მომავალში შესაძლებელია ვალის ტვირთის შემცირება ეკონომიკური ზრდის ხარჯზე.

საქართველოს ეკონომიკაში სახელმწიფო ბიუჯეტის დეფიციტი და სახელმწიფო ვალი მნიშვნელოვან როლს ასრულებს მაკროეკონომიკური სტაბილურობის ფორმირებაში. როგორც განვითარებადი ეკონომიკის მქონე ქვეყანა, საქართველო ხშირად იყენებს დეფიციტურ ფისკალურ პოლიტიკას ეკონომიკური ზრდის სტიმულირებისა და სოციალური ვალდებულებების დასაფინანსებ-

გრაფიკი 1. ფისკალური მაჩვენებლები (ბიუჯეტის დეფიციტის და ვალის მშპ-თან ფარდობა % 2019-2024 წ.წ.)



წყარო: საქართველოს ფინანსთა სამინისტრო.[3]

ლად, თუმცა ეს პროცესები თან ახლავს გარკვეულ რისკებსაც. ბიუჯეტის დეფიციტი საქართველოში, განსაკუთრებით ბოლო წლებში, მნიშვნელოვნად გაიზარდა, რაც დაკავშირებული იყო გლობალურ კრიზისებთან, მათ შორის პანდემიით გამოწვეულ ეკონომიკურ შოკებთან (იხ. გრაფიკი 1).

გრაფიკული ანალიზის საფუძველზე შეგვიძლია დავასკვნათ, რომ საქართველოში ბიუჯეტის დეფიციტი 2019 წელს შედარებით დაბალ ნიშნულზე — 2.1% ფარგლებში იყო. თუმცა, 2020 წელს, COVID-19 პანდემიის გავლენით, დეფიციტი მკვეთრად გაიზარდა და მიაღწია დაახლოებით 9.2%-ს. აღნიშნული ზრდა განპირობებული იყო როგორც ბიუჯეტის შემოსავლების შემცირებით, ისე სოციალური და ეკონომიკური მხარდაჭერის პროგრამების გაფართოებით.


შემდგომ წლებში ფიქსირდება დეფიციტის შემცირება: 2021 წელი — დაახლოებით 6.%; 2022 წელი — დაახლოებით 3.%; 2023 წელი — დაახლოებით 2.4%; 2024 წელი — დაახლოებით 2.4%; ეს ტენდენცია მიუთითებს ფისკალური კონსოლიდაციის პროცესზე. ასევე სახელმწიფო ვალის დინამიკა მჭიდროდ მიჰყვება დეფიციტის ცვლილებას. 2019 წელი — დაახლოებით 40,8%; 2020 წელი — მკვეთრი ზრდა დაახლოებით 60,4%; 2021 წელი — დაახლოებით 49,7%; 2022 წელი — დაახლოებით 39,3%; 2023 წელი — დაახლოებით 39%; 2024 წელი — დაახლოებით 35,7%. ვალის ასეთი ზრდა 2020 წელს გამოწვეული იყო COVID-19 კრიზისის პირობებში აღებული დამატებითი სესხებით. შემდგომ წლებში მისი შემცირება უკავშირდება ეკონომიკურ ზრდას და დეფიციტის შემცირებას.

მოცემული რაოდენობრივი მონაცემები ადასტურებს, რომ დეფიციტისა და ვალის შორის არსებობს პირდაპირი კავშირი. მაგალითად, 2020 წელს დეფიციტის ზრდამ 9.2%-მდე გამოიწვია ვალის ზრდა 60,4%-მდე. ანალოგიურად, დეფიციტის შე-

მცირებას 2021–2024 წლებში თან ახლავს ვალის თანდათანობითი შემცირებაც. ეს ადასტურებს, რომ საქართველოში სახელმწიფო ვალის ზრდის ძირითადი წყარო სწორედ დეფიციტური ბიუჯეტი. სახელმწიფომ გაზარდა ხარჯები სოციალური დახმარებების, ჯანდაცვის და ეკონომიკური მხარდაჭერის მიმართულებით, რაც აუცილებელი იყო მოკლევადიანი სტაბილურობის შესანარჩუნებლად. ამან, თავის მხრივ, გამოიწვია ბიუჯეტის დეფიციტის ზრდა. დეფიციტის დაფინანსება ძირითადად ხორციელდება საგარეო და საშინაო ვალის ზრდის გზით (იხ. გრაფიკი 2).

როგორც წარმოდგენილი გრაფიკული ანალიზი აჩვენებს, 2024 წლის ბოლოს საქართველოს მთავრობის ვალის სტრუქტურაში საგარეო ვალი დომინირებს და შეადგენს 69.7%-ს, ხოლო საშინაო ვალი — 30.3%-ს. ვალის ასეთი მაღალი დოლარიზაცია ზრდის სავალუტო რისკებს და ეკონომიკას მეტად მოწყვლადს ხდის გაცვლითი კურსის მერყეობის მიმართ. შესაბამისად, მნიშვნელოვან გამოწვევად რჩება ვალის სტრუქტურის ოპტიმიზაცია და საგარეო ვალის ეტაპობრივი ჩანაცვლება შიდა ბაზარზე მოზიდული რესურსებით, რაც ასევე ხელს უწყობს ადგილობრივი კაპიტალის ბაზრის განვითარებას. ვალის მოცულობა მშპ-სთან მიმართებაში 2024 წელს 35.7%-ს შეადგენს. პანდემიის პერიოდში, 2020 წელს, აღნიშნულმა მაჩვენებელმა დროებით გადააჭარბა 60%-იან ზღვარს, თუმცა შემდგომ წლებში ეკონომიკური აღდგენის ფონზე შემცირდა. ეს ტენდენცია მიუთითებს ფისკალური სტაბილიზაციისა და ვალის მართვის პოლიტიკის გაუმჯობესებაზე. შედეგად, საქართველოს სახელმწიფო ვალი, მიუხედავად იმისა, რომ მისი დონე ჯერ კიდევ მართვად ფარგლებშია საერთაშორისო სტანდარტების მიხედვით, მისი ზრდის ტენდენცია ქმნის გრძელვადიან გამოწვევებს. ერთ-ერთი მნიშვნელოვანი პრობლემა არის საგარეო ვალის მაღალი წილი. ეს ზრდის

გრაფიკი 2 მთავრობის საშინაო და საგარეო ვალის დინამიკა



წყარო: საქართველოს ფინანსთა სამინისტრო.[3]

ქვეყნის დამოკიდებულებას საერთაშორისო საფინანსო ინსტიტუტებზე და აჩენს სავალუტო რისკებს, განსაკუთრებით მაშინ, როდესაც ეროვნული ვალუტა - ლარი - დევალვაციას განიცდის. ასეთ პირობებში ვალის მომსახურება უფრო ძვირი ხდება, რაც დამატებით ზენოლას ახდენს ბიუჯეტზე.

ამასთანავე, ვალის მომსახურებაზე გაწეული ხარჯების ზრდა ამცირებს სახელმწიფოს შესაძლებლობას დააფინანსოს ისეთი სტრატეგიული სფეროები, როგორიცაა განათლება, ინფრასტრუქტურა და ჯანდაცვა. ეს კი პირდაპირ აისახება ქვეყნის გრძელვადიან ეკონომიკურ განვითარებაზე და ადამიანური კაპიტალის ხარისხზე. საქართველოს მაგალითზე მნიშვნელოვანია აღინიშნოს, რომ დეფიციტი და ვალი ყოველთვის არ არის უარყოფითი მოვლენა. თუ სახელმწიფო სესხებს მიმართავს პროდუქტიული ინვესტიციებისკენ — მაგალითად, ინფრასტრუქტურის განვითარება, ენერგეტიკული პროექტები ან განათლების სისტემის გაუმჯობესება — ეს შეიძლება გახდეს ეკონომიკური ზრდის საფუძველი. ასეთ შემთხვევაში, მომავალში გაზრდილი ეკონომიკური აქტივობა ხელს შეუწყობს ვალის ტვირთის შემცირებას. ეკონომიკური სტაბილურობის უზრუნველსაყოფად საქართველოში განსაკუთრებული მნიშვნელობა ენიჭება ფისკალურ წესებს. ქვეყნის კანონმდებლობა ითვალისწინებს დეფიციტისა და ვალის ზღვრულ მაჩვენებლებს, რაც მიზნად ისახავს ფისკალური დისციპლინის დაცვას. თუმცა პრაქტიკაში ამ წესების მოქნილი გამოყენება ხშირად ხდება კრიზისულ პერიოდში, რაც კიდევ ერთხელ აჩვენებს ბალანსის აუცილებლობას სტიმულირებასა და სტაბილურობას შორის.

გარდა ამისა, მნიშვნელოვანია ბიუჯეტის ოპტიმიზაცია და ხარჯების ეფექტიანობის ზრდა. საქართველოს შემთხვევაში, ერთ-ერთი მთავარი გამოწვევა არის რესურსების სწორად გადანაწილება და იმ სექტორების დაფინანსება, რომლებიც ქმნის მაღალი ეკონომიკური ღირებულებას. ასევე მნიშვნელოვანია საგადასახადო ბაზის გაფართოება და შემოსავლების მობილიზაციის გაუმჯობესება. საქართველოში ბიუჯეტის დეფიციტი და სახელმწიფო ვალი წარმოადგენს როგორც აუცილებელ ეკონომიკურ ინსტრუმენტს, ასევე პოტენციურ რისკს. მათი გავლენა ეკონომიკურ სტაბილურობაზე დამოკიდებულია მართვის ხარისხზე, ფისკალური პოლიტიკის გრძელვადიან ხედვაზე და იმაზე, თუ რამდენად ეფექტიანად ხდება ნასესხები რესურსების გამოყენება ქვეყნის განვითარებისათვის.

ეკონომიკური სტაბილურობის უზრუნველსაყოფად მნიშვნელოვანია დეფიციტისა და ვალის მართვის ეფექტიანი მექანიზმების დანერგვა. ეს მოიცავს ბიუჯეტის ოპტიმიზაციას, ხარჯების პრიორიტეტიზაციას, შემოსავლების მობილიზაციის გაუმჯობესებას და ვალის მართვის გრძელვადიანი სტრატეგიის შემუშავებას. ასევე მნიშვნელოვანია ფისკალური წესების დანერგვა, რომლებიც ზღუდავს დეფიციტისა და ვალის ზედმეტ ზრდას.

დასკვნის სახით შეიძლება ითქვას, რომ ბიუჯეტის დეფიციტი და სახელმწიფო ვალი წარმოადგენს ორმაგ ბუნების მქონე ეკონომიკურ ინსტრუმენტებს: ერთის მხრივ, ისინი შეიძლება გამოყენებულ იქნეს ეკონომიკური განვითარების სტიმულირებისთვის, ხოლო მეორეს მხრივ, მათი არასწორი მართვა იწვევს მაკროეკონომიკურ დისბალანსებს. შესაბამისად, ეკონომიკური სტაბილურობის მიღწევა დამოკიდებულია იმაზე, თუ რამდენად ეფექტიანად ახერხებს სახელმწიფო ფისკალური პოლიტიკის დაგეგმვასა და განხორციელებას.

დასკვნის სახით შეიძლება ითქვას, რომ ბიუჯეტის დეფიციტი და სახელმწიფო ვალი წარმოადგენს ორმაგ ბუნების მქონე ეკონომიკურ ინსტრუმენტებს: ერთის მხრივ, ისინი შეიძლება გამოყენებულ იქნეს ეკონომიკური განვითარების სტიმულირებისთვის, ხოლო მეორეს მხრივ, მათი არასწორი მართვა იწვევს მაკროეკონომიკურ დისბალანსებს. შესაბამისად, ეკონომიკური სტაბილურობის მიღწევა დამოკიდებულია იმაზე, თუ რამდენად ეფექტიანად ახერხებს სახელმწიფო ფისკალური პოლიტიკის დაგეგმვასა და განხორციელებას.

გამოყენებული ლიტერატურა:

1. პაპავა, ვლადიმერ. (2017). ეკონომიკური კრიზისები და მაკროეკონომიკური პოლიტიკა საქართველოში. თბილისი: Georgian Academy Press.
 2. საქართველოს სტატისტიკის ეროვნული სამსახური. (2019–2024). მაკროეკონომიკური მაჩვენებლები. <https://www.geostat.ge>
 3. საქართველოს ფინანსთა სამინისტრო. (2019–2024). სახელმწიფო ბიუჯეტის შესრულების ანგარიშები. <https://www.mof.ge>
- საერთაშორისო ავტორები:
4. Blanchard, Olivier. (2019). Public debt and low interest rates. American Economic Review.
 5. Krugman, Paul., & Obstfeld, Maurice. (2021). International economics: Theory and policy. Pearson Education.
 6. Mankiw, N. Gregory. (2021). Macroeconomics (10th ed.). Worth Publishers.